



Шормо эл, порымук да гыч берр!

45-ше (3277) №,
2016 ий 5 ноябрь,
шуматкече.

ЯМДЕ ЛИЙ

1933 ий 1 февраль годсек лектеш.

0+



4 ноябрь – Марий Эл Республикын шочмо кечыже
Калыкын икоян улмо кече

Ўдырсий




Н.СЕМЕНОВА фотожо.

Ўдырсийым шыжым, пасу паша пытымек, икымше лум толмо годым октябрь але ноябрьште эртареныт. Кечыже – кугарнян кастене, пайрем шуматкечынат шуйнен. Ўдыр-влак кочкыш-йўышым ямды-лен, тўрлен-пидын мош-тымшыштым ончыктеныт.

«Тендан суртышто Ўдырсийым эртараш лиеш мо?» манын, ялысе ўдыр-шамыч ача-авада дек йодын толыт гын, те ۆрын шогалыда чай. Шукынжо тиде марий йўлам огыда пале, вет тудо илыш гыч йомын. Пайрем сынан кас ожно кузе эртаралтым кодшо шуматкечын, 28 октябрьште, Самырык да йоча-влаклан театр-рўдерын сценыштыже ончышна. Республикысе марий тўвыра рўдерын увертарыме конкурсышкыжо куд мотор марий ўдыр ушныш. Нунын коклаште Морко район Унчо школын 11-ше классыштыже тунемше Дарья Иванова (снимкыште) ыле. Родо-тукымжо, йолташ ўдыржў-влак дене пырля тудо Ўдырсийым модын ончыктыш да «Марий йўлалан чоным пуышо ўдыр» номинаций дене палемдалте. Меат «Ямде лий» газетын пўлекшым: поэт-влакын сборникыштым (Дашам почеламутым сылнын лудмо конкурслаште эре ужына) – кучыктышна. Гран-прим Куженер район Шўдымарий гыч Полина Савельева сенген нале.

Л.СЕМЕНОВА.



2017
ийын I пелий-
жылан подп-
ским ыште да
лотерей
модышыш
ушно!
Тўн приз –
ПЛАНШЕТ!





Рүдолашке унала

Звенигово оласе 3-шо номеран школын 1-ше «Б» классыштыже тунемше-влак Марий Элан рүдолашкыже, Йошкар-Олашке, экскурсий дене миенит (снимкыште). Нунылан Какшан энгер сер поснак келшен. Түрлө чиян оралте-влак, ойыртемалтше архитектур кумылыштым савыренит. Т.Евсеев лүмеш национальный тоштерыште кугезе кова-кочана-влакын йўлашт, тўвырашт, историйышт дене палыме лийыныт. Марий кундемнан пўртүс поянлыкшым куанен онченит. Йоча-влак шуко ум пален налыныт. Тўнжө – чыла чонаным йўраташ да мо улмым аралаш кўлмым умыленит.

В.И.ТИХОНОВА, туныктышо.



Уверлан уло вер

1 ноябрьыште Национальный президент школ-интернатыште Школьник-влакын Российысе движенийыштын региональный пўлкажын слётшо эртен. Тиде организацийлан ик ий темын. Тудым РФ Кугыжаныш Думын депутатше Светлана Юрьевна Солнцева вуйлата.

* * *

Пөтъял (Волжский район), Ушнўр (Советский район), Марий Турек, Оршанке, 3-шо №-ан Советский школ-влаклан у автобусым пуэныт.

* * *

31 октябрь гыч 2 ноябрь марте 3-шо номеран Советский кыдалаш школышто Марий Эл Республикысе военно-патриотический ушем-влакын слётшыт эртен.



Таумутна

Марий Эл Республикын калык артисткыже **Светлана Васильевна СТРОГАНОВА** У Торъял районысо шочмо

Шўвылак ялысе клуб ден йочасадыш «Ямде лий» газетлан подпискым ыштен. Газет 2017 ий январь гыч мия.



Келшымаште – вий

Калыкын икоян улмо кечын историйже 1605-1612 ийла дене кылдалтын. Тунам элышкына поляк, швед-влак керылтыныт. Калык-влак коклаште ваш умылымаш, келшымаш лийын огыл. Кузьма Минин да Дмитрий Пожарский калыкым иктеш чумыренит, тушманым шочмо эл гыч поктен колтеныт. Ме талешкына-влакым мондышаш огынал.

Кызытат Россий ўмбака йотэл-влак шуко лавырам кышкат. Нунылан калыкын келшен илымыже, тўнямбалне Российын чапланымыже ок келше. Сандене Российысе калыкклан пентгыде, икоян да виян лийман.

Алёна ВАСИЛЬЕВА.

Морко, Эгерсола.

Шўмбел Марий Элем

Шочмо-кушмо мландем, моторем, Ава семын саклем, пагалем. Марий сем дене йўлышө чонем Нимоат огеш керт ойгатен. Олала, мөр пушан олык лап, Шурно дене лойгалтше пасу, Вич суртан вел, изи кеч ялжат – Чылажат мылам лишыл, асу. Кас гармоньын юарлыме йўк Куан дене шўмем кепшылтен. Калыкемын волгалтше чурий Пиал дене темен кумyleм. **Н.И.ВАСИЛЬЕВА, туныктышо.** Волжский, Пөтъял.

Калык пале

✧ **Ноябрьыште шокшо йўжтым ок лўдыктө.**

✧ **Ноябрьыште йўд лум толмеш пычкемыш.**

✧ **Ноябрь тельлан корным почеш.**

Историйым шергалына

★ 1943 ий 6 ноябрьыште совет войска Киевым фашист кашак деч утарен.

★ 1941 ий 7 ноябрьыште Йошкар Площадьыште парад лийын.

★ 1918 ий 11 ноябрьыште Икымше тўнямбал сар пытен.



Марий Эл Республикасысе «Идалыкын книгаже-2016» шымше конкурсе!

Конкурсш 2015-2016 ийлаште савыктыме книгам, тыгак 2014 ийыште конкурсш логалдыме савыктыш-влакым налыт.

Тыгай номинаций-влак лийыт:

«Идалыкысе эн сай книга» (түн премий), «Полиграфически сӱрастарыме эн сай книга», «Художественно сӱрастарыме эн сай книга», «Марий Эл нерген эн сай книга», «Эн сай научный савыктыш», «Эн сай туныктымо савыктыш», «Эн сай поэзий сборник», «Йоча-влаклан эн сай книга», «Лудшо-влакын эн сайлан шотлымо книгашт» (Марий Элысе библиотеке сообществын посна премийже), «Книгагудо дене кылым сайын кучымылан» (С.Г.Чавайн лӱмеш Национальный библиотеке кумыландыше премийже).

Конкурсш йодмашым

10 октябрь гыч 20 ноябрь марте пуыман.

Конкурсш лауреатше-влаклан дипломым да окса премийым 10 декабрьыште, Марий тийште кечылан пӱлеклалтше торжественный мероприятийыште, кучыктат.

Марий Элем!

Шочмо Марий Элем
энер ден ерлан, чодыралан,
янык ден кайыклан поян.
Пӱртӱсшат тыште эн мотор.
Шочмо верем чот йӱратем.

Никита НИКОЛАЕВ.

Морко, Эгерсола.



Поян марий чодыра!

Марий литератур урокышто уло класс дене чодыраш мийышна. А туштыжо... Могай чот сылне! Пушенге-влакын лышташышт йошкар-нарынчын койыт. Куэ вургемжым шӱртӱнӱ тӱсыш вашталтен. Пызле чеверген шогалын. Лач кож ден пӱнчӱ ужар сывыныштым вашталташ огыт шоно. Ме пӱртӱсым шымлен ошкылына... Чу! Кенета лышташ йымачын йӱвонго чоян ончале.

Ме тудым коден ышна кае, пеленна нална. Шыже мотор пӱртӱсшӱ дене веле огыл, чодыра поянлыкше денат йырым-йыр илыше уло чонаным куандара.

Денис ВАСИЛЬЕВ, Назар

НАЗАРОВ, Алексей ДМИТРИЕВ.

Морко, Шордӱр.



Ну-ко, понго-влак, рын лийза,
Тендам чыладам шотлем!
Икыт, кокыт... Чыталтыза,
Лучо рат ден оптем!

Снимкыште: Йошкар-Оласе 68-ше №-ан «Золотой Петушок» йоча-садыш коштышо Кирилл Петров.
И.ПЕТРОВАН фотожо.




Шым «А»

Мо тугай еш? Еш – тиде кок йӱратыше егын келшен илымышт, икшыве да ача-ава кокласе поро шӱлыш, вычиматен, келшен илыше «пыжаш». Ме ешыште шымытын улына: авай – Аля, ачай – Алексей, мый, Алёша ден Арсентий шольым-влак, Аделина ден Ариадна йыгыр пелаш шӱжарем-влак. Ешнам авай «Шым«А» манеш. Ачай ден авай кок пачашан кермыч пӱртым нӱлтышт. Меат полшышна. Ешыштына икте-весе дене келшен, чыла пашам пырля ыштен илена.

Алина ТИМКОВА.

Одо кундем, Алнаш район, Одо школ.



Шыже - оза

Кайыккомбо

чонештыш торашке,

«Чеве-е-ерын!» -

лупша шулдырлам.

Ончен кодым кыде кавашке,

Рӱзалтышым кидым тудлан.

Пӱртӱс шӱлыкане,

оза лиеш шыже,

Кечат кӱчыкеме уэш,

Йӱкшемдыш игече. Мылам веле кече

«Кумылет ынже воло», - манеш.

Катя ФОМИНА.

Марий Турек, Сардаял.

– Йоча передачым вўдаш молан лач тыланда ўшаненыт? – йодым йоча-влак деч. – Кузе шонедат?

– Мыланем «Тый телевиденийиште марий передачым вўден кертат» манын, авамат (7-ше школышто марий йылмым тунуктышо Наталья Германовна – авт.), моло тунуктышат ик гана веле огыл ойленят, – каласыш Тимур. – Тунам ўшанен омыл.

– Шарнет, Тимур, ўмаште шыжым школыштына пайрем концерт эртыш, – мутланымашке Надя ушныш. – Тушто ме почеламутым лудна.

– Э-э, шарналышыш. Лач тунам «Шонан

Марий телевиденийын йоча-влаклан пөлеклалтше «Шонанпыл» передачыжым Йошкар-Оласе 7-ше номеран школын тунемшыже-влак Надя Герасимова (5-ше класс) ден Тимур Игнатьев (6-шо класс) ик ий утла вўдат. Нуным снимкыште ужыда. Айста лишкырак палыме лийына.



передачын ик вўдышыжө.

– Мыланем радиошто вўдаш утларак келша, – палдарыш рвезе. – Ойлышаш текстым наизусть тунемаш ок кўл,

тунемат.

– Кеч радиошто, кеч телевиденийиште передачым вўдымө годым икте-весым колыштын моштыман, – ешарыш Тимур. –

ЙЫЛМЫН ВИЙЖЕ КУГУ

Коклан йолташлан тўрлө йондымылык гыч лекташ полшыман.

– Тыгайже лиедат мо? – йодде шым чыте.

– Икана радиошто вияш эфирым вўдымө годым чевергаш логале, – каласкалаш тўнале рвезе.



Оласе марий йоча

Надя ден Тимурлан ешыштышт шочмо йылме дене мутланымаш, каникулым ялыште кова-коча дене эртарымаш марий йылмын яндарлыкшым арален кодаш кугун полшат. Почеламутым сылнын лудмо конкурслаште мастарлыкшым тергат: Марий Элын шочмо кечыжлан пөлеклалтше конкурсышто Тимур ўмаште кумшо верыш лектын. Надя тений «Колумб лудмаш» регион-влак кокласе конкурсышто тыгайк верым налын.

«Шонанпыл» передачым ямдылаш толыныт ыле. Мемнан выступатлымынам пеееш эскерыш. Интервьюм нальыч да передачым вўден ончаш темлышт, – ешарыш рвезе.

– Мемнан шонымаште, шочмо йылмым палымына да, оласе школышто тунемына гынат, марла сайын мутланен моштымына йоча передачыш корным почыныт, – иксемына каласышт ўдыр ден рвезе.

Тылеч посна Тимур – Марий Эл радиошто «Онарын тукумжо» йоча

чурыйымат ниго ок уж. Телевиденийиште тыге огыл: чылажат – шинча ончылно.

– Те журналыштын пашажым изинек пален кушкыда. Тыланда келша? – рашрак умылынем.

– Изим годым «Кушкын шуатат, кө лият?» йодышлан эре «Телевўдышө!» манын вашештенам. Мыйын шонымашем шукталтын, – кугешнен вашештыш Надя. – Кызыт налме опыт – ончыкылык-клан кугу полыш. Илентолын, можыч, журналист профессийым ойырем. Телекамер ончылно чыла ең выступатлен ок керт. Тыгодым койыш-шоктыш шуаралтеш, шкем кучаш, калык дене мутланаш

Кагазыште 1510 числам шомак дене огыл, а цифр дене возымо. Тўжем вичшўдыжым каласен кертмыш, луан цифр уш гыч лектын возо. Ну, кеч-мом ыште – нигузе шарналтен ом керт. Йөра йолташем-влак жапыштыже тогдаен шуктыш, полшыш.

Надя ден Тимур оласе моло йоча-влак семынак кушкыт, капкылым шуарат, тунемыт, модыт... Но нунын деч шочмо марий йылмын лывыргылыкшым келгынак палымышт да жаплен илымышт дене ойыртемалтыт. Тидлан көрак сенымашке шуыт. Арамлан огыл калык оила: «Изи йогын-влак кугу энгерым ыштат». Йоча-влакынат изи сенымашышт кугулан корным почеш. Тек ончыкыжымат тыгак лиеш!

Л.ГРИГОРЬЕВА.

А.ЭМАНОВАН фотоколлажше.

Кудыронгыр



ОЛЫК



Софья
Ильина
ден
Аделина
Иванова
(снимкыште)
Шеҗше йочаса-
дыш коштым.
Нуну мураш
йбратат.

Верысе клубыш-
то ончышо-вла-
кын кумылгыштым
кажне гана нолтат.

А.В.АЛЕКСЕЕВА, воспитатель.
Морко район.

Сценкыште модам

Школысо мероприятийлаште эре ушнаш тыршем. Мылам сценкылаште модаш келша. «Контрольный папа» сценкыште тунемшым модым, «Його рвезыште» сөснайгым келыштарышым.

Дима ХАЛТУРИН, 6-шо класс.
Советский, Ёрша.

«Колокольчик» кугурак ийготан группысо йоча-влаклан ача-авашт да йочасадысе кугурак воспитатель Надежда Анатольевна онгай пайремым эртареныт

(снимкыште). Йоча-влак көгөрчен деч серышым налыныт. Кайык Вуверкува деч Почемучкам утараш полшаш йодын. Тидлан йоча-влак түрлө заданийым шуктеныт: туштылан вашештеныт, мурым муреныт, почеламутым ойленыт.

И.АЛЕКСЕЕВА.
Морко, 1-ше номеран йочасад.



Көм утареныт?

Балалай-
ке мыняр
кылан?



Тудым пөлек шотешат кучыкташ лиеш. Но мыланем тўрлаш утларак келша.

Л.ГРИГОРЬЕВА.
Медведево район.



Авторын фотожо.

Ме кружокыш коштына

Мый кумшо ий ИЗО кружокыш коштам. Тудым Галина Константиновна Волкова вўда. Кружокышто ме карандаш дене сўретлаш тунемына, пластилин дене ненчана. Пашана-влакым школысо выставкыш верандат. Нуным районысо конкурслашта ончыктена.

Роман СТОЛЯРОВ,
3-шо класс.
Оршанке, Тошто
Крешын.

«Мастар кид» кружокым школын библиотекарьже Галина Михайловна Николаева вуйлата. Кружокышто пўчкедена, пижыктылына, түрлө арверым ыштена, пластилин дене ненчана. Мыланна пеш келша. Тышке куанен коштына.

Михаил ДАНИЛЕНКО,
3-шо класс.
Волжский, Кугу Корамас.

Усталык куандарыше

Руш Кукмарий школышто ИЗО да технологий уроклам вўдышо Татьяна Александровна Перевозчикова тунемше-влакым декоративно-прикладной искусствын түрлө йонжө дене палдара. Йоча-влак тўн шинчымашым урокышто налыт. «Творческие мастерские», «Бумага и пластика» кружоклаште поделке-влакым ыштат. Кудымшо классыште тунемше Света Тимакова (снимкыште) ойла: «Теве тиде чай сервизым кугурак ийготан йўдыр-влак, тошто кагазым кучылтын келыштареныт. Янда ате да шўртө дене ыштымме вазына пеш мотор лектыныт.



Узием годым «Ямде лий» газетгыш мыят возенам, университетште тунеммем годымат йоратен лудынам. Пашам ышташ тўналмем дене кыл кўрылтө. Но шукерте огыл Йошкар-Олаш этнокультур дене кылдалтше курсыш миенам ыле. Тушто «Ямде лийын» нылле ик номержым иканаште налым да йўд мучко ик шўлыш дене лудын лектым.



Чылалан кўлешан

Ялыш толмеке, группыштына йоча-влак дене шергална, тыгыде почеламут-влакым тунемна. Ача-ава-влак дене 2017 ийлан подпискым ышташ кутырен келшышна. Вет «Ямде лий» йочасадысе икшывыланат, кугыенланат пеш кўлешан.

Салам лийже! Мый лудаш пеш йоратем. «Ямде лийым» кажне шуматкечын вучем. Эше «Кече» журналым шуко книгам лудам.
Наташа СЕРГЕЕВА, 2-шо класс
Морко, Шордўр.

И.Э.МАЛИЧЕНКО, воспитатель.

У Торъял, Немда йочасад.



Школна эн сай!

7октябрьште у школланна 20 ий темме пайремым эртарышна. Эн ончыч, школ ончыко лектын, Элнет ялын шочшыжо, икымше марий баснописец Михаил Степанович Герасимов-Микайын памятникше воктек

Тушто **Ош**
шовычым рончет — чыла пален налат.
Йылмыдыме йолагайым вурса.

пеледышым пыштышна. Вара «Марий сем» йоча ансамбль ончышо-влакым куандарыш. Школ пеленысе йочасадыш коштшо йоча-влак мастарлыкыштым ончыктышт. Нуным Елена Александровна Миронова марий йылмылан шўманда. Мый шке школем дене кугешнем. Тиде школышто эн сай туныктышо-влак пашам ыштат.

Аделина АНДРЕЕВА, 5-ше класс.
Татарстан, Менделеевск, Элнет.



Кок ият лу тылзаш Раилья Галимуллина (снимкыште) кум йылме дене мутлана. Аваже да Нуж-Ключ гыч кова-кочаж дене — марла, ачаже да тудын родыжо-влак дене — татарла. Уремыште рушла ойлен колта. Раилька йочасадыш огеш кошт, но кайымекеже, туштат эше иктаж йот йылмым тунемаш тўналеш. А те, йоча-влак, мыняр йылмым паледа?

Н.СЕМЕНОВА.

Морко район.

«Кугу тау» маньна
Катя Егорова визымше классыште тунемеш. Тудо «Ямде лий» газетым лудаш йората. Ачаж ден аваже газетлан кажне гана возалтыт. Тений Катя ачаж деч школлан подпискым ыштен пуаш йодын. 2017 ий январь гыч Эгерсола школын тунемшыже-влаклан кок экземпляр «Ямде лий» газет толаш тўналеш. Кугу таум А.В.Егоровлан ойлена!

М.А.БУТЕНИНА, туныктышо.
Морко район.

Ожнысо кидпаша ворана

Бауман лицей пеленысе сымыктыш школгышто йоча-влакым кокымшо ий куаш туныктем.

Куынам ожнысо кидпашалан шотлалтеш. Ме эн ончыч ўштым куаш тунемына. Тидым кок йон дене ышташ лиш. Икымше – кид дене пунымаш (снимкыште). Ўштын кок велжым курчак дене сорастараш лиш. Вес йон – 6-10 изи онам кучылтын куынам. Тиде йон нелырак. Кызытсе жапыште куэн моштышо да тиде кидпашалан туныктышо шагал. Мыят икшыве-влак дене пырля книга, интернет полшымо дене тунемам. Икмыняр жап гыч станокышто гобеленым куаш тўналына, манын шонем. Куынам гоч йоча-влак кидпашалан шўмангыт, тўткылыкышт виянеш, уш-акылышт пўсемеш, кидышт лывырга.

Йошкар-Ола.

И.Ю.НОВОСЁЛОВА.



Йоратыме енем

Авам – эн йоратыме, эн шерге, эн лишыл айдеме. Тудо мыйым ош тўняш шочыктен, шуко йўд омыжым коден. Авам ялысе кевытыште пашам ышта. Калык тудым пагала. Мыят пагалам. Эше Катя акамым, Арина шўжаремымат йоратем. Тек чыланат таза да пиалан лийыт.

Аделина
КУТУЗОВА,
5-ше класс.
Куженер,
Конганур.



2018 ийыште Российыште эртаралт-паш тўнямбал чемпионатын талисманжылан пирым ойырымо. Тудым Забияка манын лўмденыт.



Тўрлў классла гыч йоча-влак Йошкар-Олашке экскурсий дене миенна (снимкыште). Рўдолана чот сылнештын. Какшан серым йывыртен онченна. Мыланем каныме парк пеш келшен. Кинотеатрыште лийынна.

Яна АЛЕКСЕЕВА.
Морко, Шўргыял.



Е.ГРИГОРЬЕВАН фотожо.

Укана корно дене ц ден ў буква-влак ошкылыныт. Корно воктене н буквам ужыныт. Тудыжо ала-куш перненат, сангашкыже тўкў лектын. Ц ден ў воктекше миеныт да йодыныт:

Ц ден ў

Конкурснн
пурышо
паша

Эн сай газет

Мый «Ямде лий» газетым лудаш пеш йоратем. Шукерте огыл «Маска, Шукш да Лыве», «Тылзе ден ўдыр» йомаклам лудынам. Мыланем келшен. Йоча-влакше кузе сылнын возен моштат улмаш! Мыят нунын деч тунемнем. Тыгай онай газетым ончыкыжымат лудаш тўналам. Садлан шушаш ийлан авамлан подпискым ыштыктенам.

Регина ТРИФОНОВА, 3-шо класс.
Морко, Шенше.



– Мо пеш шўлыккан улат, н йолтам?

– Мый буква йолташем-влаккан мут-влакым чолаш полшынем, а нуно мыйым эре ордыжкў шўкалыт. Садлан пеш шагал мутышто кучылталтам, – вуйым шийын н.

– Тынар ит тургыжлане, – лыпландарен ц буква. – Шоналте: тый дечет посна ана «Ана» лиеш ыле, он «он»-ыш савырна. Тый пе-е-е-и кўлешан марий буква улат.

– Ме, 36 буква, ваш-ваш келшен илышаш улына, – ешарен ў.

Валерия МИХАЙЛОВА,
8-ше класс.

Морко, Зеленогорск.



Индекс: Марий Элыште - 78574,
вес кундемлаште - 52713.
Тираж 1150 экз. Заказ 2771.
Формат – А-4-8.
Директор-тўн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru.
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республик-
се культур, печать да на-
циональность паша шо-
тышто министерстве, "Ям-
де лий" газет" кугыжаныш
унитарный казенный
предприятий.

Газетым Массовый коммуникаций
сферыште да культур наследийым ара-
лымаште законодательством шуктен шо-
гымым эскерыше Федеральный службн
Приволжский федеральный округысо уп-
равленийыштыже регистрироватлыме.
Номер – ПИ №ФС 18-1999,
2005 ий 10 февральыште
пуымо.

0+

Печатьыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийн шо-
нымашыш тўрлў лийын кер-
тыт. Серыш-влак мўнгеш огыт
колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийн адресше: 424006, Йошкар-Ола, Строитель урем, 95.

Редакцийн да издательын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.

Пушкыдо модыш

Конкурсш
пурышо
паша



Татарстан Республик
Менделеевск район
Элнет ял гыч Аделина
Андреева 6 ияш улмыж
годым.
Т.АБРАМОВАН фотожо.



Морко район Шордур
школ пеленысе «Василёк»
йочасадыш коштшо Дима ден
Давид Васильевмыт.
Е.ВАСИЛЬЕВАН фотожо.




Марий
Турек район гыч –
Ефросиния Якимова.
*Каласал мылам, йолташ,
Ит шылтал тый чыным.
Кузе ойырен мошташ
Сайым да осалым?*
Л.ЯКИМОВАН
фотожо.

Шыже

Пүртүсыштö поянже
Шыже – идым тылзе.
Шөртнялген
лышташыже,
Чеверген ал пызле.
Шүлыкан ты пагыт,
Йöратем садак.
Чевер лышташ валне
Модын куржсталам.

**Ирина
МИХАЙЛОВА,**
8-ше класс.
Волжский, Кугу
Корамас.



Вика ПОЛУШИНАН сүретше, 4-
ше класс.
Советский, Öрша.

Тушто

Ош маскаже
ка я,
пунжо
йога.



Шым ойыртемем
муза.



Чын вашештымек, Марий
Элын эн кугу поянлыкшым
пален налыда.

1.Сурткайык. 2.Шокшо эл гыч
эн ончыч чонештен
толеш. 3.Кугу янлык.
4.Ныл йолан йолташ.
5.«... .. йолагай, корно воктеч
коран кай!» 6.Мо мўйым
йöрата?

Эля ИВАНОВА, 4-ше класс.
Волжский, Сотнур.

1				
2				
3				
4				
5				
6				

К
Р
О
С
С
В
О
Р
Д